

চ্যানেল আই এর সেরা দশ আসছে

কর্ণফুলী রিপোর্ট

বাংলাদেশের বহু প্রচারিত টেলিভিশন ‘চ্যানেল আই’ কর্তৃক আয়োজিত দেশব্যাপী সঙ্গীত প্রতিযোগীতার আয়োজন সম্পত্তি শেষ হয়েছে। পনের কোটি জনসংখ্যায় অধ্যুষিত বাংলাদেশ থেকে উক্ত প্রতিযোগীতায় তারা ছেঁকে নিয়েছেন সেরা দশজন প্রতিভাবান ও উদ্বিমান তরুণ শিল্পীকে। চুড়ান্ত প্রতিযোগীতায় বিচারক হিসেবে ছিলেন গানের জগতে আরব রাষ্ট্রপুঞ্জের উম্মে কুলতুম ও ভারত উপমহাদেশের লতা মুঙ্গেকরের মত বাংলাদেশের দুজন জীবন্ত কিংবদন্তী কুনা লায়লা ও সাবিনা ইয়াসমিন। এই দুই কিংবদন্তীর হাতে ছেঁকে তোলা সেই দশ মানিক এখন সিডনীতে তাদের প্রথম শো করার জন্যে প্রস্তুতি নিচ্ছেন। তথ্যসূত্রে জানা গেছে যে সিডনীর উক্ত অনুষ্ঠানটি চ্যানেল আই’র নিজস্ব উদ্যোগেই আয়োজন করা হচ্ছে এবং তাদের স্থানিয় প্রতিনিধি হিসেবে থাকছেন সিডনী নাট্যমের প্রধান ও নাট্যকার বেলাল হোসেন ঢালী এবং কুল খান নামে একজন প্রবাসী বাংলাদেশী ব্যাবসায়ী।

সেরা দশের এই জমকালো অনুষ্ঠানটি মঞ্চে হবে আসছে মাসের শেষভাগে [অক্টোবর ২৪ ও ২৫] নিউ সাউথ ওয়েলস বিশ্ববিদ্যালয়ের জন ক্ল্যান্স অডিটোরিয়ামে।
আয়োজকদ্বয় অনুষ্ঠানটিকে সর্বাত্মকভাবে স্বার্থক ও সফল করতে সব ধরনের ব্যাবস্থা নিচ্ছেন বলে জানিয়েছেন এবং অত্যাধুনিক অডিও সিলেক্ষন ব্যবহার করে শিল্পীদের গানগুলোকে শৃতিমধুর ও আরো প্রানবন্ত করার জন্যে তাদের চেষ্টার ক্রটি থাকবেনা বলে বেলাল হোসেন ঢালী কর্ণফুলীকে জানিয়েছেন। উক্ত অনুষ্ঠান বিষয়ে বিস্তারিত সংবাদ ও প্রতিবেদন আগামী যেকোন সংখ্যায় দেখুন।



কর্ণফুলী রিপোর্ট